

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Alexandri Magni Regis Macedonum vita

Gualterus <de Castellione>

Argentin., 1513

VD16 G 3848

Liber Octavus

[urn:nbn:de:bsz:31-327103](https://nbn-resolving.org/urn:nbn:de:bsz:31-327103)

LIBER OCTAVVS

Effugisse manus, hoc vno miles honorem
Perpetuare tuum, Persas Asyqꝫ fauorem
Conciliare potes: sic fatur: & ecce paratas
Attollunt cuncti quęcunqꝫ in prelia dextras
Seqꝫ sequuturos per summa pericula spondent
Vnanimes letiqꝫ senes hylariscꝫ iuuentus
Ergo audis pugne tentoria vertere magnus
Imperat, & rapido cursu bacchatur in hostem



¶ Argumentum

Ircanos domat octauus: nec iniqua
ferentem

Vota pharetratam presentat Ama-
zona regi

Vruntur gaze macedum: mirabile factu
Detegitur facinus Dymi: sequiturqꝫ nephandus
In castris gemitus: oratio / morsqꝫ Philote
Impius attrahitur: monstrum implacabile Bessus
Suspensusqꝫ piat manes patricida paternos
Arma Scitis infert macedo: legatio postquam
Nil agit, & monitus non flectant principis iram
Gens iniuncta prius victori subditur orbis.

¶ Liber Octauus.

MEnnonis eterno deplorans funera luctu
Tertia luciferos terras aurora per omnes
Spargebat radios: cum fortis & impiger ille
Terrarum domitor: in cuncta pericula preceps
Hyrcanos subjicit armato milite fines

ALEXANDREIDOS

Quos ubi perdomuit; vitamq; cruentus ab ipso
 Narbafones molli lingua supplicante recepit
 Haud mora visendi succensa cupidine regis
 Gentis Amazonee; venit regina Talestris
 Castraq; virginibus subiit comitata ducentis
 Omnibus hæc populis; dorso quos caucalus illine
 Circuit, hinc rapidi circumdat phasidos amnis
 Iura dabat mulier; cui primo ut copia facta est
 Regis, equo rapide descendit spicula dextra
 Bina ferens; leuo pharetram suspensa lacerto
 Vestis amasonibus non totum corpus obumbrat
 Pectoris a leua nudatur; cætera vestis
 Occupat, & celat celanda; at non tamen ultra
 Iuncturam genuum descendit mollis amictus
 Leua papilla manet; & conseruatur adultis
 Cuius lacte infans sexus muliebris alatur
 Hæc intacta manet; sed aduritur altera lentos
 Promptius ut tendant arcus; & spicula vibrent
 Perlustrans igitur attento lumine regem
 Mirata est famę non respondere Talestris
 Exiguum corpus taciturnaq; versat apud se
 Principis indomiti virtus ubi tanta lateret
 Barbara simplicitas a maiestate venusti
 Corporis; atq; habitu veneratur, & estimat omnis
 Magnorumq; operum nullus putat esse capaces
 Preter eos; conferre quibus natura decorum
 Dignata est corpus; specieq; beare venusta

Sed m
 Magn
 Regna
 Ergo
 Anne
 Sever
 Com
 Dign
 Deb
 Edit
 Sim
 Q
 Milit
 Causa
 Ter d
 Ad fo
 In
 Moue
 Accis
 Estua
 Et bell
 Agmin
 Cuncta
 Esse sol
 In med
 Campi
 Expon

LIBER OCTAVVS

Sed modico præstat interdum corpore maior
 Magnipotens animus; transgressaq; corporis artus
 Regnat in exiguis præclara potentia membris
 Ergo rogata semel; ad quid regina veniret
 An ne aliquid vellet a principe poscere magnum
 Se venisse refert; vt pleno ventre regressa
 Communem pariat cum tanto principe prolem
 Dignam se reputans; de qua rex gignere regni
 Debeat heredes; fuerit si femina partu
 Edita; maternis potietur filia regnis
 Si mas exstiterit; patri reddetur alendus
 Querit Alexander. sub eo ne vacare Talestris
 Militiæ velit. illa suum custode carere
 Causatur regnum. tandem pro munere noctem
 Ter deciesq; tulit. & quod querebat adepta
 Ad solium regni; patriasq; reuertitur vrbes
 Interea Bessus; sumpto dyademate bracta
 Mouerat. & veteri mutato nomine; Scitis
 Accitis; toto surgebat in arma paratu
 Estuat auditis macedo. sed inertia luxu
 Et bello partis tot rebus onusta moueri
 Agmina vix poterant; igitur mirabile dictu
 Cuncta tremenda ratus; quecunq; mouentibus arma
 Esse solent homini; primum sua; deinde suorum
 In medium proferre iubet; spaciola iacebat
 Campi planities; vbi multo sanguine partem
 Exponuntur opes; arabum serumq; labores

P

ALEXANDREIDOS

Plaustraq; diuersis rerum speciebus onusta
 His vbi congestis: rapta face martius heros
 Ignem supposuit, & miscuit omnia flammis
 Ardebant dominis mirantibus omnia; quæ ne
 Arderent totiens accensis viribus igni
 Restiterant: totiens humo subeunte labori
 Pertulerant auidas multo discrimine flammæ
 Non tamen audebant: tanto sibi parta labore
 Sanguinis effusi precium deflere quirites
 Seu vulgus: cum regis opes idem vreret ignis.

His vbi sedatus dolor est: dixisse feruntur
 A curis grauibus & sollicitudine magna
 Consilio regis ereptas esse cohortes
 Et quos subdiderat regina pecunia seruos
 Principis exemplo manumissos esse per ignes.

Iamq; legebat iter: iam bracta subire parabat
 Exonerata manus: cum rex inuictus: & hoste
 Tutus ab externo: pene interfectus ab ipsis
 Consulibus macedum: tamen intestina suorum
 Declinavit adhuc parcis parentibus arma
 Et ciuile nephas, erat inter regis amicos
 Precipuus tota maior legione Philotas
 Parmenione satus, sine quo nil carmine dignum
 Gessit Alexander: qui grande nephas Cebalino
 Indice perlatum: certis rationibus ad se
 Suppressit triduo, donec Mecrone cruentum
 Comperiente scelus: proprio cadit ense: ligatis

LIBER OCTAVVS

Complicibus Dymus vincitur: & ipse Philotas
 Creditur hoc vno perimi voluisse tyrannum
 Quod toto tridui spacio suppresserat: huius
 Indiciũ sceleris, indicitur ergo reuinctis
 A tergo manibus; faciem velatus in aulam
 Principis edicto populus conuenerat armis
 Cinctus, & horrendo pallebat regia ferro
 Mussat tota cohors; tantiq; ignara tumultus
 Cur accita foret; arrectis auribus heret
 Donec Alexander sermone silentia rumpens
 Detexit scelus, illatoq; cadauere Dymi
 Subticuit primo demum pene inquit adeptus
 Vobis o ciues; fortunę munere viuo
 Regis ad hanc vocem clamoso perstrepit aula
 Turbarum strepitu; cunctis poscentibus huius
 Auctores sceleris; vt proderet ille, quid inquit
 Ille meus; patris ille mei; specialis amicus
 Parmenio; tantoq; alijs prelatus amore
 Tanti flagitij fuit autor; & ecce Philotas
 Cum patre concipiens tam detestabile terris
 Et cęlo facinus; Lecholaum Demetriumq;
 Et Dymum; cuius corpus miserabile; coram
 Aspicitis; socios delegit; & in mea ductor
 Fata subornauit; rursus facundia vocem
 Intonat horrendam, Metro Cebalinus & index
 Nychomachus testes producti criminis ortum
 In medium referunt; subdit mauortius heros

ALEXANDREIDOS

Quo dominum obsequio: quo dilexisse videtur
 Affectu patrem: qui cum hoc scelerum scelus; inquit
 Praesciret: siluit: quod non tamen esse tacendum
 Cedeliquet Dymi: facinus Cebalinus acerbum
 Quod simul accepit: hora non distulit vna
 Solus non timuit: solus non credidit illud
 Parmenides: sane patria ditione tumescit
 Quem quia praefeci medic: maïora superbus
 Sperat: & aspirat ad summi culmen honoris
 Forsitan hoc animum dedit in mea fata Philote
 Quae sine cognatis sum: nec mihi libera proles
 Nec genitor superest: erras funeste Philota
 Tot saluis macedum ducibus: quorū agmina memet
 Circumstare vides: magnum ne dixeris orbum
 Ecce mei fratres quos intuo: ecce parentes
 Quod celat. quod Dymus eum non nominat: inter
 Participes: sociosq; doli: minus esse nocentem
 Non facit: indicium est ducis & terroris: in illos
 Prodere qui possunt. qui de se cum fateantur
 De duce non audent ducti terrore fateri
 Multaq; consuevit de me suspecta Philotas
 Dicere. & faciles prebere serentibus aures
 Se gaudere mihi: genitum quem iupiter a se
 Affirmabat ait: miseris tamen esse dolendum
 Vivendum quibus est factus sub principe tanti
 Excedente modum: & stadium mortalis habent
 Et silui & sciui: nec enim fieri mihi viles

LIBER OCTAVVS

Et contemptibiles alijs volui quibus ante
 Tot bona contuleram, sed iam temeraria lingua
 Vertitur ad gladios; & quod conceperat ore
 Parturit ense manus; quo me conferre licebit
 Cui caput hoc credam? prefecei pluribus vnum
 Cui vitę & capitis commisi iura; sed vnde
 Presidium pecij; venit improuisa salutis
 Pernicies; melius cecidisset Marte futurus
 Hostis preda mei; potius quam victima ciuis
 Nunc seruatus ab his macedo; que sola timebit
 Incidit in lateris socios; & in agmina quorum
 Nec vitare manus; nec debuit arma timere
 Ergo mei ciues vestra ad munimina ciuis
 Armaque confugio; liceat vos esse salutis
 Auctores; saluus vobis nolentibus esse
 Nec volo nec possum; si me seruare velitis
 Vindicis officium pretendite vindice pęna
 Hęc vbi persuasit ira dictante relinquit
 Consilium; vinctumque iubet proferre Philotam
 Dicturum causam; ne iudiciarius ordo
 Dicatur vires tanti victoris in aula
 Amisisse suas; manibus stetit ille reuinctis
 Luridus, & vili velatus tegmine membra
 Lugubris facie; multum mutatus ab illo
 Qui princeps nuper equitum; magnumque sequutus
 Nobilior ducibus, & magnificentior ibat
 Disponensque acies; tractansque negotia belli

ALEXANDREIDOS

Hoc habitu quondam Burchardum flandria vidit
 Soluentem meritas occiso principe penas
 Quem rota penalis pro tanto crimine torfit
 Totaque confregit Ludouico principe membra
 Nutabat pietate cohors: animosque subibat;
 Parmenionis amor: tam clari ciuis amara
 Conditio: qui cum viduatus prole gemella
 Hectore iam pridem: magnoque Nichanore nuper
 Iura dabat Medis, absente parente superstes
 Tertius & patrium solus solamen iniquo
 Iudice: barbaricis causam dictabat in horis
 Herebant animi procerum: poteratque videri
 Seuitique cecidisse rigor cum pretor amictas
 Regius. intuitus mentes pietate remissas
 Pluribus obiectis cepit damnare Philotas
 Sopitamque ducum dicendo resuscitat iram
 Sedatumque facit rursus crudescere vulgus
 Tunc vero attonitus labefacta mente Philotas
 Auertensque oculos a circumstante caterua
 Nec caput erexit: nec flexit luminis orbem
 Seu quia conciderat sceleris mea conscia tanti
 Seu quia supplicij nutabat pressa timore
 Nec mora mentis inops super illum corruit: a quo
 Ipse tenebatur, at demum mente recepta
 Abstergens panno faciem: vultumque madentem
 Fletibus. infonti facile est inquit reperire
 Verba, tenere modum miseris non est leue ciues

LIBER OCTAVVS

Cuncq; sic in portu mens hinc mea criminis expers
 Huius. & in nullo sibi conscia turbidus illinc
 Me timido fluctu fortunę verberet auster
 Inter vtrumq; situs; vtriusq; locatus in arcto
 Non video qua lege queam parere vel huius
 Temporis articulo; vel mundę a crimine menti
 Forti fortunę pereo; si pareo mentem
 Non sinit in fontem fortuna potentior esse
 Hęc secura manet in me parat illa securim
 Hinc spes inde metus; hinc saluus naufragus illinc
 Pręterea causam ingredior sine iudice; cuius
 Intererat iuste meritum cognoscere causę
 Non video cur absit; ei damnare nocentem
 Cum liceat soli, solusq; absoluere possit
 Absolui nequeo; nisi cause cognitor ipse
 Et iudex sedeat; quia vix continget vt ipso
 Liberer absente; quo sum presente ligatus
 Sed quamuis infirma hominis defensio victi
 Sit, qui censorem non instruit immo videtur
 Arguere iniusti; tamen hoc vtcuncq; licebit
 Mortis in articulo pro me alligabo, meiq;
 Non ero desertor; sed quo me crimine damnet
 Curia; non video de conspirantibus vnum
 Vel de complicibus; me nemo fuisse faretur
 De me Nichomachus; nil expressit Cebalinus
 Plus quam Nichomachus a quo scelus audiit istud
 Noscere non potuit; me rex tamen arguit huius

ALEXANDREIDOS

Criminis auctorem: sed qua ratione videtur
 Subticuisse caput cędis: scelerisq; magistrum
 Quemq; sequebatur tanto discrimine Dymus
 Non verisimile est: alieno parcere quemquam
 Qui sibi non parcat: e contra credere dignum est
 Vt se maiori tueatur nomine Dymus
 Inter participes prius expressisse Philotam
 Scripta ferunt Ytacum: cum furtum palladis illi
 Ajax obijceret: raptamq; in nocte mineruam
 Tytide socio factum excusasse decenter
 Et velasse suam Dyomedis nomine culpam
 Dumq; laerciade rursus simulasse furorem
 Obijceret. belliq; metu quesisse latebras
 Sic mihi respondit latebras quesisse pudori
 Cum ratione pari crimen reputetur Achillem
 Inter femineas timidum latuisse cateruas
 Cum tanto commune viro non abnuo crimen
 Sic vbi tractatur communis causa duorum
 Interdum maior solet excusare minorem
 Dicite consulti iuris: legumq; periti
 Qua ratione perit: mortem quo iure meretur
 Quem nemo accusat. in quem non fama laborat
 Nec sua condemnat confessio: criminis huius
 Nuncius in primis nisi me Cebalinus adisset
 Non hodie traherer in causam: nemine nomen
 Accusante meum: sed quod suppresseris ad te
 Delatum facinus: & quod rumoribus aures

LIBER OCTAVVS

Clauseris. quidni: pueri ne querelis
 Est adhibenda fides: minus est preciosus & absq;
 Pondere: sermo grauis: quem nō grauis edidit auctor
 Rumoresq; facit leuitas auctoris inanes
 Si Dymi culpę socius vel conscius essem
 Non sinerem sane: vel me vel criminis huius
 Participes prodi: biduo si posset in illo
 Res peragi. clam siue palam poteram Cebalinum
 Tollere de medio. ne regi nunciū iret
 Concepti sceleris: huius moliminis ad me
 Delato inditio: post detectam mihi fraudem
 Qua periturus eram: ferro comitante penates
 Secretos adij regis: & cubilia solus
 Non video: cur distulerim scelus: an sine Dymo
 Ausus non fuerim: princeps. erat ille cruenti
 Et dux consilij. sub eo latuisse philotas
 Creditur. & magno regnum affectasse perempto
 Quem tamen e vobis corrupti munere ciues
 Quem de tot colui vobis impensius vnum
 Scripsisse sibi me rex obiecit honori
 Congaudere suo: genitum quem iupiter a se
 Voce affirmabat: miseris tamen esse dolendum
 Viuere quos dederat sub tanti principe fastus
 Vera fides & amor: fiducia consilijq;
 Libertas veri. sed perniciofa quibusdam
 Sanaq; qua colui regem: correctio: vos me
 Decepistis. & hæc fateor scripsisse Philotam

ALEXANDREIDOS

Hoc scripsi regi: sed non de rege sciebam
 Dignius esse Iouem tacitis agnoscere votis
 Et superum stirpem; quam se iactando mouere
 Contra se inuidiam; procerumq; laceessere bilem
 Quid mihi rex pro te totiens sudasse; quid armis
 Profuit: & tecum pro te consumpta iuuentus
 Continuusq; labor martis. quid in agmine fratres
 Amisisse duos; nec patrem ostendere possum
 Presentemq; malis adhibere. nec audeo nomen
 Implorare patris; quia dicitur huius. & ipse
 Criminis esse reus; nec enim satis esse parentem
 Orbatum geminis. si non orbetur & vno
 Qui superest; natiq; rogis imponitur infons
 Ergo care pater & propter me morieris
 Et mecum. vitęq; mihi tu causa fuisti
 Qui tibi mortis ero; rumpo tibi fila; tuumq;
 Filius extingo senium. cur ergo creabas
 Hoc in perniciem corpus tibi: nonne creatum
 Perdere debueras; non vt hos ex stirpe maligna
 Perciperes fructus; miserabilior ne senectus
 Sit patris; nati ne magis miseranda iuuentus
 Ambigitur. vernisq; adhuc venientibus annis
 De medio tollor; effecto sanguine patris
 Spiritus eripitur; quem si fortuna morari
 Vel modicum sineret in obeso corpore. iure
 Poscebat natura suo; sic fatur. & ecce
 Rex in consilium; ferro lucente caterua

LIBER OCTAVVS

Stipatus redijt. tunc vero exterritus ille
 Supplicij; mortisq; metu: rursusq; gelato
 Corpore; lapsus humi labefacto languit ore
 Ceperat in proceres sententia serpere discors
 Ancipitiq; ducum nutabant murmure partes
 Censebant alij perimendum more venusto
 Parmenidem saxis, alij extorquere volebant
 Supplicio verum; quorum rex dicta sequutus
 Aptari tormenta iubet; tortoribus ergo
 Exceptis manibus; in conspectuq; philotē
 Seuitē misero genus omne parantibus. ille
 Non opus est inquit: proceres grauiore flagello
 Confiteor volui. sed cum grauioribus illum
 Afficerent pœnis; cum iam lacer ossibus ictus
 Exciperet nudis. nec iam superesset in illo
 Vulneribus locus; exposuit tandem capitales
 Insidias; Seriemq; rei facinusq;. sed anceps
 Coniectura fuit; an tanta enormia de se
 Confessus fuerit, vt se cruciamine longo
 Excipiens celeri finiret morte dolores.

O quam difficile visus; fors prouehit actus
 Lubrica mortales. & quos ascendere fecit
 Quam facile euertit. magno fortuna labore
 Fecerat excelsum media de plebe Philotam
 Princeps militiē factus. ductorq; cohortis
 Parmenione satus; modico post tempore lapsus
 Scandere dum querit; fato damnatus; & exul

ALEXANDREIDOS

Obruitor faxis: certat simul omnis in vnum
 Voluere faxa manus: cuius manus ante mouendi
 Castra dabant signum: quam friuola gloria mundi
 Quam rerum fugitiuus honor: quam nomen inane
 Prelatus: qui preesse cupit: prodesse recusat
 Sex vbi consumpti post tristia fata Philote
 Preteriere dies: propero rapit agmina cursu
 In Bessum Macedo, nec destitit ille laborum
 Prodigus & patiens fatalis malleus orbis
 Donec ab eoo monstrum implacabile tractu
 Abstrahitur vincus: presentaturq; furenti
 Bessus Alexandro: penitus velamine dempto
 Nudus & inserta pedibus colloq; cathena
 Quem rex intuitus flammato lumine cuius
 Bessu fere rabies: vel que subiicit herinis
 Tam tibi grande nephas, vt promeritum tibi regem
 Vincire auderes: regniq; cupidine vitam
 Et patris & domini violento claudere ferro
 Hec ait, & fratrem Darij quem corporis inter
 Custodes primum terrarum euerfor habebat
 Acciuit, vincumq; pedes & brachia bessum
 Tradidit, ille sacram longis cruciatibus illi
 Eripiens animam, stygias ad sacra sorores
 Conuocat, & placat fraternos sanguine manes
 Affixumq; cruci iubet ire ad tartara Bessum
 Exitus hic Bessi: qui cum conscendere tentat
 Labitur, imperium dum querit & imperat in se

LIBER OCTAVVS

Regreditur domini ponens insignia seruus
 At macedo dudum sitiēti pectore regnum
 Affectans Scitię: pardis velocius agmen
 Ad thanaym transfert: qui vasto gurgite bracta
 A regno Scitię dirimit: qui terminus idem
 Europam medijs: asyamq; interfuit vndis
 Gens ea samarię pars est: si prisca meretur
 Fama fidem: montes & inhospita lustra ferarum
 Pro thalamis domibusq; colunt: questumq; perosi
 Contentiq; cibis quos dat natura: beatam
 Ambitione sacra nolunt corrumpere vitam
 Dumq; super Thanaim metatus castra pararet
 Nauigium macedo: fluuium quo sole sequenti
 Transcursurus erat: Scithicis bellator in horis
 Ecce peregrino macedum tentoria cultu
 Horrida quadrupedum bisdeni terga prementes
 Intrauere viri: regi mandata ferentes
 Quorum qui reliquis fuerat maturior euo
 Intuitus regem. cupido si corpus haberes
 Par animo dixit menti:q; immensa petenti
 Vel si quanta cupis tantum tibi corporis esset
 Non tibi sufficeret cupiendus maximus orbis
 Et tua mundanas mensura excederet horas
 Ortum dextra manus: occasum leua teneret
 Nec contentus eo: scrutari & querere votis
 Omnibus arderes: vbi se mirabile lumen
 Conderet: & solis auderes scandere currus

ALEXANDREIDOS

Et vaga depulso moderati lumina phæbo
 Sic quoque multa cupis que non capis: orbe subacto
 Cum genus humanum superaueris; arma cruentus
 Arboribus quascunque feras & saxa mouebis
 Montanasque niues: scopulisque latentia monstra
 Non intacta fines. sed & ipsa carentia sensu
 Cogentur sentire tuos elementa furores
 An nescis longo quod prouocat æthera ramo
 Arboreum robur: firma radice superbum
 Quodque diu creuit vna exstirparier hora
 Stultus qui fructum cum colligit arboris altum
 Non vult metiri: videas sublime cacumen
 Prendere dum tendis: postquam comprehenderit illud
 Cum ramis ne forte cadas. auium fuit esca
 Paruarum quandoque leo rex ante ferarum
 Ferrum cuncta domans: atque omni durius grege
 Consumit rubigo vorax sub cardine mundi
 Tam summum nihil est: cum non metus esse ruine
 Possit ab inualido: quis non dum nauigat orbem
 Debeat occursum mortisque timere procellam
 Quid nobis tecum non infestauimus armis
 Attigimusque tuam facturi prælia terram
 Quis sis & vnde trahas genus ad quid missus & vnde
 Ignorare Scitis liceat: fugientibus arma
 Et strepitus hominum: nemorumque colentibus antra
 Libera gens Scithie nil appetit: vltimus que
 Prima parens natura dedit: de munere cuius

LIBER OCTAVVS

Non cuiquam seruire potest, nec (vt imperet) optat
 Esse sui iuris hominem sua seque tueri
 Contentumque esse suis, alienum nolle beatum
 Efficiunt; igitur si quid quesueris vltra
 Excedunt tua vota modum; finemque beati
 Ne tamen ignores mores gentesque Scitarum
 Sunt armenta scitis vomer; ciphus; hasta; sagitta
 Vtimur his rebus, & amicos inter & hostes
 Dijs vinum in sacris patera libamus; amicis
 Parta labore bouum largimur farras, sagitta
 Eminus obruimus inimicos; cominus hasta
 Quę te terra capit; quid sufficiet tibi; Lydos
 Cappadoces Syriam domuisti; Persida Medos
 Bracta subegisti; nunc tendis victor ad Indos
 Proh pudor ad pecudes nostras extendis auaras
 Instabilesque manus, & cum tibi regna ministrent
 Omnes diuitias tibi pauper inopsque videris
 Quid tibi diuitijs opus est; que semper auaro
 Esuriam pariunt; quanto tibi plura parasti
 Tanto plura sitis; & habendis acrius ardes
 Sicque famem saties defectum copia nutrit
 Succurrit ne tibi quam longo tempore Bracta
 Te teneant, populum hunc dum subijcis ille rebellat
 Nascitur ex bello victoria, rursus ab illa
 Surgunt bella tibi; Thanaim transibis vt hostis
 Inuenias; Scitiamque tibi que libera semper
 Subijcias, sed nostra tuis velocior alis

ALEXANDREIDOS

Paupertas: totius opes exercitus orbis
 Et predam vehit ille tuus; nos pauca trahentes
 Vnde magis celeres parili leuitate fugamus
 Et fugimus: cum vero Scitias procul esse remotas
 A te credideris intra tua castra videbis
 Cuncq; capi faciles captos ve putaueris hostes
 Elapsi fugient: rapido velocius Euro
 Nulla Scitias inopes opulentia/ nulla cupido
 Allicit: hoc hominum genus opida spernit & vires
 Et deserta colit: humani nescia cultus
 Proinde manu pressa: digitisq; tenere recuruis
 Fortunam memör esto tuam: quia lubrica semper
 Et leuis est, nunquam potest inuita teneri
 Consilium ergo salubre sequens quod tēporis offert
 Gratia presentis: dum prospera luditur a te
 Alea: dum celeris fortunę munera nondum
 Accusas; impone modum foelicibus armis
 Ne rota forte tuos euertat versa labores
 Nostri fortunam pedibus dixere carentem
 Pennatasq; manus; & habentem brachia pinguunt
 Ergo manus si forte tibi porrexerit; alas
 Corripe: ne rapidis quando volet; aduolet alis
 Deniq; si deus es/ mortalibus esse benignus
 Et dare que tua sunt; non que sua demere debes
 Si similis nobis homo: te debes reminisci
 Semper id esse quod es; stultumq; est horū reminisci
 Ex quibus ipse tui es oblitus; habebis amicos

LIBER OCTAVVS

Bella quibus non intuleris; firmissimus inter
 Equales interq; pares est nodus amoris
 Equales sunt siue pares: qui nec sibi cedunt
 Nec sese excedunt: hij sunt qui nulla cruenti
 Viribus inter se fecere pericula martis
 Esse tibi caue ne credas quos vincis amicos
 Ante feret stellas tellus: septemq; triones
 Abluet oceanus, & siccum piscis amabit
 Quam serui ad dominum sit veri nexus amoris
 Inter eos nulla est concordia: nam licet extra
 Pax pretendatur odio confligitur intus
 Pacem vultus habet: agitant præcordia bellum
 Sic ait, at macedo nihilominus agmine facto
 Arma scitis inferre parat: multoq; labore
 Flumine transmissis collatis viribus hostem
 Traiicit, & tandem sed non sine cede suorum
 Imperio macedum Scytiam seruire coggit
 Qualis in alpinis; annoso robore faxis
 Astra petens abies; multosq; inflexa per annos
 Afflatus euri; zephyrum contempsit & austrum
 Quam si forte suo boreæ de more fatiget
 Spiritus, & toto tundat simul aera nisu
 Nil illi rami veteres; nil horrida musco
 Robora proficiunt sua, quid minus obruta vento
 Corruat, & pronò tellurem vertice pulset
 Sic licet Assyrios Medorum & Persidis arma
 Fregissent, tamen vt Boreæ glacialibus alis

ALEXANDREIDOS

Ocior occubuit & acerbior, ille cruentus
Terrarum gladius: fatorum publica pestis
Magnus Alexander contractis viribus; illi
Succubere Scite superos & fata sequuti

Hunc ubi vicinas dispersit fama triumphum
Garrula per gentes, extemplo corda pauorem
Hauerunt subitum; totusq; perhorruit orbis
Et matutino que sunt loca subdita phœbo
Quippe Scitas duris; in fractos aurea bellis
Audierant nuper macedum dititione subactos
Non animi virtute pares; non viribus equos
Credebant aliquos mundo superesse potentes
Cum cecidisse Scitas inuictos ante viderent
Vnde iugum macedum multi subiere volentes
Non minus arma ducis homines mouere; suoq;
Subijciere iugo; quam quod clementer agebat
Conuictis, & enim quos magnus robore vicit
Vinxit amore sibi; nec durus eis nec amarus
Exactor; captos precibus gratisque remisit
Abfoluitq; reos, vt facto ostenderet isto
Senon exire stimulis cum gente feroci
Sed de virtutum motu certamen inisse,

¶ Finit liber Septimus.

¶ Sequitur Argumentum
Noni Libri.